

7754


633.2

W-85

2002

2011

ՄԵ. Ա. Մ. 8. 12




Հ Ա Ր Մ.

Ա. ԱՐԴԱՍԵՆՈՎ:

Խ Ր Ա Տ


ԱՐՕՏԱԽՈՏԵՐԻ ՄՇԱԿՈՒԹԵԱՆ ՀԱՄԱՐ:

ԱՌՈՒՅՑ: ԵՐԵՎԱՆ: ԿՈՒՐԻՆԳՐԱՆ:



Թ.Ա.Գ.Մ. ՌՈՒՍԵՐԷՆԻՑ ԽՄԲԱԳՐՈՒԹԱՄԲ ԳԻՒԳԱՏՆԵՍՈ

Գ. ԿԱՆԴՈՒՐԱԼԵԱՆԻ:



ԿՈՒՐ. № _____

2134

5/VIII

Ե Ր Ե Ւ Ա Ն

ՏՊԱՐԱՆ ԵՐԵՎԱՆԻ ՆԱՀԱՆԳՈՒԿԱՆ ԱՏԵԱՆԻ

1912

խ

Արմ.

3-3124_a

633.2

Ա-85

Խ Ր Ա Տ

ԱՐՕՏԱԽՈՏԵՐԻ ՄՇԱԿՈՒԹԵԱՆ ՀԱՄԱՐ:

ԱՌՈՒՅՑ: ԵՕՆՁԱ: ԿՈՒՐԻՆԳԱՆ:

Ե՞րբ հողը լաւ հուճնձ չի տալիս:

Երբ ամեն տարի հողից վերցնում են ցորենի, գարու, կարտոփիլի և այլ բոյսերի հուճնձ, իսկ նոյն հողին այս բոլորի փոխարէն ոչինչ չեն վերադարձնում ազբով կամ ուրիշ պարարտացնող միջոցներով:


Երբ վատ են մշակում հողը և մշակում են ոչ թէ գութանով, այլ քչփորում են նշան անգրջրհեղեղեան կեռերով կամ արօրով՝ փոխանակ հերկելու նրան ժամանակակից կատարելագործւած գութաններով:

Երբ լաւ և ընտիր տեսակի սերմերի փոխարէն վարելահողը ցանում են վատ մարբած և չբնասած խակ սերմերով:

Եւ մանաւանդ այն ժամանակ, երբ տամաւոր և հարիւրաւոր տարիներ ազգաբնակչութիւնը ծանօթ է միայն հացաբոյսերի մշակութեան հետ և միայն այդ բոյսերն է ցանում և հնձում. — ցորեն ու գարի, գարի և ցորեն և էլ ուրիշ ոչինչ՝ շատ ու շատ տասնեակ տարիների ընթացքով:

Ինչպէս մարդը շարունակ աշխատելու համար անգաղար կերակրւելու է կարօտ՝ այնպէս էլ հողն է պահանջում, որ իրան վարձատրեն — կերակրեն

44757. ա. և



29359-60

ԿԿՅ. № 10679

մշակութեամբ, փոխարեն այն միլիոնաւոր փութ ցորենի, հաճարի, գարու և այլն, որ ամեն տարի նա մատակարարում է ինչպէս մի սանտու և առատաձեռն մայր:

Առանց մի այդպիսի փոխարինութեան՝ վերջ ի վերջոյ հողը կը հրաժարւի իր վրայ չապրող մարդկանց կերակրելուց:

Ինչպէս մարդկանց համար լաւ չէ և ճանճրալի է շարունակ միմիայն հաց, ձուկ կամ միս ուտելը, այնպէս էլ հողը, եթէ կարելի է այսպէս սսել, չի սիրում, յոգնում և ուժասպառ է լինում, երբ ամեն տարի ցանում են իր մէջ միևնոյն հացաբոյսերը:

Տարուէտարի միևնոյն տեղի վրայ առանց հողը պարարտացնելու միայն հացաբոյսի ցանելուց և նոյն հողը արօրով կամ կեռերով վարելուց, որ հողի մէջ միայն 1½ - 2 վերջուկ է միայն խրում, վատ սերմացուի ժամանակ, հողի վերին շերտը, որտեղ տարածւում են հացաբոյսերի սերմերի արմատները, յոգնում է նոյն նիւթերով - հալից ընկնում է և դադարում է բերք տալուց:

Երևանի նահանգի Նոր-Բայազիտի, Երևանի, Էջմիածնի և այլ գաւառների լեռնային հողերը բոլորն էլ ուժասպառ են եղել վերոյիշեալ պատճառներից: Բոլոր տեղերումն էլ անտառ - վառելափայտ չկայ և եթէ կայ՝ շատ քիչ, դրա համար էլ անասունների աղբը գործադրւում է ոչ թէ գաշտերը պարարտացնելու, այլ վառելիքի համար աթարի ձևով: Ամեն տեղ հերկում են վառիթար կեռով, ցանում են վաղուց փշացած և վատընտիր սերմեր:

Բացի զրանից լեռներում շատ քիչ հարթ հաւասար տեղեր կան, ջրարբի հողերը աւելի ևս քիչ: Գիւղացու բոլոր հողերի ³/₄ մասը բաղկացած է լեռներից, դիք, քարքարոտ, խճոտ և անջրդի զառիվայրներով: Զիւնի և անձրևի ջրերը այդ զառիվայրերից

քշում, տանում են ներքի բուսականութեան բոլոր օրգանական մնացորդները և այն՝ շատ յաճախ ցանած սերմերով:

Ի՞նչպէս անել, որ հողը ուժասպառ չը լինի և կրկին լաւ բերք տայ:

Ներկայումս ուժասպառ և հոգնած հերկը գիւղացիք ձգում մի կողմ են թողնում մէկ, երկու և աւելի տարիներ հանգստանալու համար, յուսալով, որ նա կը հանգստանայ և երկու, երեք տարի կրկին լաւ բերք կըտայ: Բայց արդեօք նա կարողանում է հանգստանալ և վերանորոգել իր ուժերը: Ո՛չ, չի կարողանում: Ինչո՞ւ: Նրա համար, որ լեռնային շերտի վրայ բնակւող ազգաբնակիւթիւնը հողով սպահովւած չէ: Մէկ երկու տարուց յետոյ գիւղացին հարկադրւած է հանգստանալու համար թողած հողը կրկին հերկել, որ մի կերպ կարողանայ ընտանիքը կերակրել: Հանգստութեան այդ կարճ ժամանակում հողը չի կարող վերանորոգել իր ուժերը և չի կարող լաւ բերք տալ:

Գործի վերջը վատ է դուրս գալիս: Այդպիսով անտեսութիւնը երբէք չի ուղղւի: Այդ դեռ քիչ է, տարի տարւայ վրայ նեղ ու դժւար կը լինի աղբերը, որովհետև ժողովուրդը միշտ աւելանում է, իսկ հողը չի մեծանում և նրա ամեն մի հոգու բովիւր քանի գնում քչանում է:

Կարելի կը լինէր հողը պարարտացնել՝ բայց անասունների աղբը մեզնում վառելիքի տեղ է գործածւում, իսկ միւս պարարտացնող միջոցները թանկ արժեն և նրանց դրսից բերել տալը գիւղացու տընտեսութեան ներկայ դրութեան ժամանակ անհնարին է:

Հողի մշակութեան գործին կարելի է օգնել կե-

ութի և արօրի փոխարէն մշակելով նրան գութանով և ուրիշ կատարելագործւած գործիքներով ու մեքենաներով, օգտակար է նոյնպէս սերմերի յաճախ փոփոխելը, բերել տալով նրանց լաւ տեսակները, խնամքով ջոկելով ու զտելով: Բայց այս բոլորը օգնում է երկրագործին առանց նրան վերջնականապէս հանել կարողանալու թշուառ դրութիւնից:

Անհրաժեշտ է մշակել արօտաբոյսեր և արօտի արմատապտուղներ:

Գիւղացու տնտեսութիւնը վերջնականապէս կարող է ուղղել և ոտքի վրայ կանգնել միայն այն ժամանակ երբ ամեն մի երկրագործ իր, այժմ հացաբոյսերով ցանւած հողերի մի մասը կը յատկացնի եօնջայի կամ այլ նման բոյսերի ցանելուն, նայելով, թէ որտեղ ինչ է յարմարում և լաւ կը բուսնի, կարելի է ցանել նաև արօտի արմատապտուղներ— կարտոփիկ, ճակնդեղ, գազար, շաղգամ և այլն:

Եօնջան մշակւում է մեզնում և բոլորին յայտնի է: Նա ցանւում է ներքեում ջրարբի հողերում և տալիս է, խուրձի գինը 4 կոպէկ հաշւելով, 7 ֆունտ ծանրութեամբ, 180 ր. ընդհանուր եկամուտ: Թոյլ տալով, որ եօնջան լաւ բերք տալիս է միայն 8 տարւայ ընթացքում և նրա մշակութեան ծախքը մինչև անգամ 30 ր. հաշւելով մարտը եկամուտ կը կազմի մէկ դեստատինից 150 բուբլի, 4000—5000 խուրձից ոչ պակաս երեք հնձից: Այս միջին թւով:

Այսպիսի ճիշտ եկամուտ գիւղացուն չեն տայ երեք դեստատին ցորենը, եթէ լաւ հաշւենք իւրաքանչիւր տարւայ ծախքը— սերմերի, մշակութեան, հնձի, կոյսելու և այլն: Եօնջի սերմերի և մշակութեան համար պէտք է ծախսել միայն առա-

ջին տարին, իսկ յետոյ 8—10 տարւայ ընթացքում ջրւում է միայն և բերքը հնձւում:

Ինչի՞ն վերագրել հացահատիկների լաւ հունձը եօնջից և այլ բակլայանման բոյսերից յետոյ:

Նահանգի ազգաբնակչութեան նշանաւոր մասին յայտնի է նոյնպէս, որ այնտեղ, ուր եօնջա է ցանւած եղել, հացահատիկները երկու տարի ընտիր հունձ են տալիս, այնպէս որ՝ կարծես թէ դաշտը աղբով պարարտացած լինէր: Դուրս է գալիս, որ եօնջան, բացի խոտի լաւ եկամուտ տալուց՝ հողը պարարտացնում էլ է: Իսկ պարարտացնում է նա հողը իր երկար արմատներով, որոնք գետնի մէջ շատ խորն են թափանցում, մինչև 2—3 և աւելի սաժէն լաւ հողերի վրայ: Այդ արմատներով նա կերակուր է ծծում գետնի տակի ստորին խաւերից: Այդ հաստ ու երկար արմատների շնորհիւ հողի մէջ աւելի շատ օդ է ներս մտնում և նոյն ինքն այդ արմատները փթելով՝ սնունդ են մատակարարում յաջորդ բոյսերի համար: Բացի դրանից եօնջի և ռակլայնման*) այլ բոյսերի արմատների վրայ, ապրում են առանձին ստորին կարգի կենդանիներ (միկրօօրգանիզմներ), որոնք ընդունակ գն կլանել օդի ազատ բորակածինը եւ դարձնել այն իրենց մարմնի բաղադրիչ մասերը: Ամբողջ սերունդներ մեռնելով բակլայանման բոյսերի արմատների վրայ, նրանք պարարտացնում են հողը ազօտեայ (բորակածին պարունակող) միաւորութիւններով: Բակլայանման բոյսերի այդ առանձնահատկութեան շնորհիւ էլ նրանց կոչում են բորակահատարներ:

*) Մոփորական սիսեռը, Լորն, բակլան, եօնջան, Կորնդան կոչւում են բակլայանման բոյսեր:

Յիշատակւած հանգամանքներով է բացատրուում առոյտից, եօնջից, կուրլինգանից և բակլայնման այլ կուլտուրական բոյսերից յետոյ հացաբոյսերի գեղեցիկ աճումը:

Երևանի նահանգի լեռնաշերտի վրայ արօտախոտերից ո՞րն է աւելի ձեռնտու աճեցնել:

Բայց եօնջան ջրել է պահանջում, նրան չի կարելի աճեցնել լեռների չոր, քարոտ և անջրդի գառիվայրերի վրայ:

Կասկած չվերցնող փաստ է, որ լեռնաշերտերում ջրարբի և հարթ տեղեր, ուր կարելի լինէր մշակել - աճեցնել եօնջան, շատ քիչ են, գիւղացիների բոլոր հողերի $\frac{1}{4}$ մասն անգամ չեն կազմում, մնացած $\frac{3}{4}$ -ը կամ մինչև անգամ գիւղացու ձեռքն եղած հողաբաժնի աւելի մեծ մասը անջրդի լեռների գառիվայրներ են:

Ահա այդ հողերը հացաբոյսերի մշակութեամբ երկրագործին ոչինչ չեն տալիս, շատ յաճախ վերադարձնում են նրա սերմացուն:

Այդ չոր և ներկայումս անօգուտ գառիվայրերի համար էլ ես առաջարկում եմ ցանել եօնջի մի տեսակը, որ իշառույտ է կոչւում: Թուրքերը «կուրունջա» են ասում դրան, իսկ հայերը այդ խօսքից վերցնելով «կուրլինգան», որ նշանակում է չոր եօնջա: Նա ընտիր հունձ է տալիս և ամեն ամառ երկու քաղ՝ անջրդի հողերի վրայ, որ կազմում է այդ բոյսի առանձին արժանաւորութիւնը և գինը: Այդ կուրլինգանի արմատները աւելի խորն են թափանցում հողի մէջ քան եօնջինը: Իրեն յարմար հողերի վրայ նա դիմանում է 15 և աւելի տարի: Կուրլինգանից յետոյ հացահատիկները այնպէս լաւ են աճում ինչպէս և եօնջից յետոյ: Ուրիշ երկրներում - Փրան-

սիայում, Անգլիայում, Գերմանիայում, Իտալիայում, Տաճկաստանում և այլն, նա մշակւում է մեծ քանակութեամբ: Փոքր քանակութեամբ մշակւում է նա և մէզնում Հարաւային Ռուսաստանում և Կովկասում - Կորլիանի գաւառամասում, Թիֆլիսի նահանգում, Կարսի վիճակում, յատկապէս Կարսի շրջանում և Երևանի նահանգի Նախիջևանի գաւառում:

Կուրլինգանը վայրի դրութեամբ շատ է տարածւած Նոր-Բայազիտի գաւառում, Կարսի շրջանում և Կովկասի ուրիշ տեղերում: Այդ ապացոյց է, որ նա մեզնում, եթէ մշակւի, լաւ կաճի:

Կուրլինգանի ցանքերի վրայ 1908, 1909 և 1910 թւականներին իմ արած փորձերը շատ լաւ ապացուցեցին այդ: Նոր-Բայազիտի գաւառի ազգաբնակիւթիւնը արդէն գիտէ թէ Եերքին-Ախտա գիւղի բնակիչ Յակոբ Լեօնովի, Ախպարա գիւղացի Նիկողոսեանի, Գարաշիջազում Իվան Չերնեշովի և այլոց կուրլինգանը ինչպէս են աճում:

Այդ բոլոր տեղերում կուրլինգանը մենք ցանում ենք սաւերատու - հովանաւոր բոյսի - գարնանացան ցորենի կամ գարու հետ և առաջին տարին ստացւում է ցորենի կամ գարու բերք, երկրորդ տարին կուրլինգանի մէկ լաւ հունձ, 200 - 250 փութ չոր խոտ, երրորդ տարին ստացւում են արդէն երկու հունձ - 400 փութ ընտիր խոտ մէկ գեսեառինից:

Եօնջի նշանակութիւնը լեռնաշերտում:

Եօնջան 5000 ոտն. ծովի մակերևոյթից բարձր շերտում անջրդի հողերում զգալի կերպով կուրլինգանից վատ է աճում: Հաւանական է, որ նա ինչպէս փափուկ, խոնաւ կլիմա և խորը ջրաբեր հող սիրող մի բոյս, երբէք չի տայ նոյն մասում մէկ

քաղից աւելի: Այդ հանգամանքը ճշտուում է նաև մեր փորձերի ժամանակ:

Առույտի տեղն ու նշանակութիւնը լեռնաշերտի ապագայ տնտեսութեան մէջ:

Լեռնաշերտում կուրինգանի հետ պէտք է նշանակութիւն ձեռք բերեն առույտը և նրա խառնուրդները: Այդ բոյսի վայրի տեսակները շատ են տարածւած այստեղ, ուրեմն նրանց մշակութիւնը պէտք է յաջողութիւն ունենայ:

Բացի դրանից առույտը եօնջայից և կուրինգանից որպէս աւելի շարժուն բոյս հողափոխութեան համար աւելի է յարմարուում: Հողի սակաւութիւնը ստիպում է ազգաբնակիւթեանը կարճ ժամանակով — մէկ, երկու, երեք տարով միայն հանգիստ թողնել վարած և յոգնած հողերը:

Այդ ժամանակամիջոցում վարելահողը ծածկուում է քոլերով և փշերով, որոնք յաճախ հնձուում են անասունների կերի համար, որպիսի «սոս»-ից մի ղեսեատինի վրայից հաւաքւում է 12—15 փութ:

Մենք շատ նպատակայարմար ենք համարում այդպիսի վարելահողի հանգիստ թողնելու փոխարէն ցանել նրա վրա վերջին հացի հետ առոյտը կամ նրա խառնուրդը: Չնչին քանակութեամբ քոլի փոխարէն գիւղացին կը հաւաքէ 2—3 տարւայ ընթացքում գոնէ ընտիր խոտ առնուազն 200 և աւելի փութ: Նրանից յետոյ վարած առոյտատեղը կը տայ հացաբոյսերի ամենալաւ հունձ, քան թէ այն ժամանակ երբ վարելահողը հանգստանում է քոլի և փշերի բուսականութեամբ:

Վերոյիշեալ հանգամանքի պատճառով աւելի շուտ առույտը քան կուրինգան և եօնջան կը մտցնւի

ցանքափոխութեան մէջ, ուրեմն պտղափոխութեան սխառեմին անցնելու դարկ կը տայ:

Եօնջի ցանքերի փորձերը կանենք մենք ներկայ թւականի աշնանից:

Բակլայանման արօտաբոյսերի գլխաւոր առանձնայատկութիւնները:

Ամենից առաջ մեր ուշադրութիւնը իր վրայ է դարձնում բակլայանման բոյսերի արմատը: Գլխաւոր արմատը խիստ զարգացած է և տալիս է իրանից բազմաթիւ յաւելեալ արմատներ սերմի աճելու ժամանակից, որոնք ձգտում են մտնել հողի ստորին խաւերի խորքը: Եօնջի և այլնման բոյսերի արմատները թափանցում են 3 եւ աւելի սաժէն գետնի մէջ, հանելով հողի ստորին շերտից իրենց համար սննդաբար նիւթեր և փոխադրելով նրանց հողի վերին շերտերը:

Բակլայաբոյսերը իրենց արմատներով ամրացնում են հողը թոկի պէս: Գետնափորները գլտեն, թէ ինչպէս գժւար է փորել վայրի բակլայաբոյսերով ծածկւած խոտ հողը, որոնց մատերի հաստութեամբ դեղին արմատները դժւար են կտրուում մինչև անգամ սուր բահերով: Մեր լեռնային, յաճախ թեթև սողացող հող ունեցող գաւիթայրերի համար, բակլայաբոյսերի ցանքերը ամրացնելով հողը, պէտք է մեծ դեր կատարեն: Իրենց արմատների շնորհիւ, բակլայաբոյսերը երաշտութեան համար աւելի քիչ զգայուն են, որի մէջ մեզ համոզեցին եօնջի մեր փորձնական ցանքերը: Անցած 1908, 1909 և 1910 թւականները աչքի էին ընկնում շտեմնուած շոգով և երաշտով: Նրանք կտրեցին ազգաբնակիւթեան լաւ հունձի դրական յոյսերը: Չնայելով դրան, մեր խոտերի հունձի վրայ այլ շոգերը ոչ մի վնասակար ազդեցութիւն չարին:

Բակլայաբոյսերը աւելի բարեբեր են, քան, օրինակ, այլ բոյսերը՝ շնորհիւ նոյն ուժեղ արմատների և նրանց թփաւորութեան ընդունակութեան: Բակլայաբոյսերի պարանոցը, այսինքն այն տեղը, որ բաժանում է բոյսի հողի երեսին գտնուող մասերը հողի տակ գտնուող մասերից, կողքերից ծածկւած է բողբոջներով, որոնք նոր ցողունի սկիզբն են տալիս: Այդ շառաւիղներով բակլայանմանների արմատի գլուխը, օրինակ եօնջի և նմանների, բաժանւում է առանձին հաստ ճիւղերի, որոնք ընդունակ են, իրենց կարգին, բաժանւելու նոր ճիւղերի: Հէնց այդ է թփաւորութիւնը քակլայաբոյսերի գործնական մշակութեան պայմաններից մէկը: Մեր փորձնական հողամասերում երկրորդ տարին ես եօնջի վրայ հաշւեցի 30—40 առանձինցողուններ, որոնք բոլոր էին գալիս արմատի գլխից: Բայց բակլայաբոյսերի ամենագլխաւոր առանձնայատկութիւնը պէտք է համարել այն հանգամանքը, որ նրանք աղբով պարարտացնելու կարիք չեն զգում շնորհիւ այն միկրոմարմինների, որոնց ունեցած նշանակութեան մասին բակլայաբոյսերի կեանքի մէջ սոււած է վերելում:

Այն հանգամանքը, որ բակլայաբոյսերից յետոյ հացաբոյսերը լաւ են աճում, ահագին նշանակութիւն ունի ցանքափոխութիւնը հեշտացնելու գործում և պողպափոխութեան սխառեմը անտեսութեան մէջ մտցնելու համար: Եթէ մեր առաջիկայ փորձերը առոյտի հետ յաջող երևին, այն ժամանակ երևանի նահանգի լեռնային շերտի շատ մասերում կարելի կըլինի արգէն մտցնել զիւղական անտեսութեան մէջ առոյտի ցանքափոխութիւնը, իսկ եօնջան ու կուրինգան առ այժմ կրմնան առանձին հողաբաժինների վրայ:

Արօտախոտերի մշակութիւնից ստացած օգուտները:

1) Արօտախոտերի ցանքերը շատացնում են անտեսութեան արօտամտի միջոցները և լաւացնում են անտեսունների սնունդը, կաթի, իւղի և պանրի քանակութիւնը:

2) Տնտեսութեան մէջ կարելի է լինում շատացնել անասունների քանակութիւնը եւ լաւացնել նրանց տեսակը, որ շատ մեծ նշանակութիւն ունի լեռնաշերտում, ուր հացաբոյսերի մշակութիւնը երբէք չի ապահովում մարդու գոյութիւնը:

3) Խոտացանութիւնը անտեսութեան մէջ շատացնում է աղբի—փէյնի քանակութիւնը, որ նոյնպէս շատ մեծ նշանակութիւն ունի, որովհետեւ նա ապագայում, բացի վառելիքից, կըզործադրէ նաև գաշտերի պարարտացնելու համար:

4) Բակլայաբոյսերը, ինչպէս վերը ասեցաւ, իրենց երկար արմատների շնորհիւ լաւացնում են հողի ֆիզիքական յատկութիւնները, նպաստելով օդի անցնելուն հողի ստորին մասերի խորը շերտերի մէջ:

5) Նրանք հարստացնում են հողը անողարար նիւթերով: Նրանց երկար արմատները, ներքին շերտերից հանելով մանգարար նիւթերը, փոխադրում են նրանց հողի վերին շերտերը: Բացի դրանից բակլայաբոյսերը հարստացնում են հողը բորակային խառնուրդներով, ինչպէս այդ բացատրւած է վերելում: Դրանից է, որ եօնջից յետոյ հացաբոյսերը տալիս են ընտիր հունձեր, կարծես թէ վարելահողը առատութեամբ պարարտացրած լինէր աղբով:

6) Արօտաբոյսերի շնորհիւ չոր եւ անջրդի տարերս եւ նրանց գառնիկայերը, որոնցից են բողկացած լեռնային շերտի բնակչութեան այժմ շատ քիչ արդիւնք

բերող համարեա բոլոր մշակելու հողերը, կողտնան պողատու արտեր և այդ կերպով, սակաւահողութեան հարցը լեռներում յետ կրնկնի երկար ժամանակով:

7) Առտացանութիւնը տնտեսութեան մէջ մըտցընելով՝ կրկատարւի օգտաբեր փոխանցումն մեր՝ հացհատիկների դարևոր տնտեսութիւնից գէպի պտղափոխութեան սխտեմները: Գիւղացու տնտեսութիւնը աւելի բազմազան և կենդանի կրլինի, ընդունակ՝ յետագայ զարգացման. նրա հետ միասին կրմեծանայ նրա բարօրութիւնը և կրնդհատուի ազգաբնակութեան քրօնիքական քաղցածութիւնը:

ԲՕԿԱՅԱՔՈՅՍԵՐԻ ԵՐԵՔ ԳԼԽԱԻՈՐ ՆԵՐԿԱՅԱՅՈՒՅԻԶՆԵՐԻ ՄՇԱԿՄԱՆ ՆԿԱՐԱԳՐՈՒԹԻՒՆԸ:

ԱՌՈՒՅՏ (КЛЕВЕРЪ).

Կարտուրական գլխատը տեսակներ.

ԿԵՐՄԻՔ ԱՌՈՒՅՏ, ՍՊԻՏԱԿ ԱՌՈՒՅՏ, ՅՎԵԳԵԱՆՆ ԱՌՈՒՅՏ:

Պատմական տեղեկութիւններ:

Առույտ՝ մշակում է բոլոր արևմտեան պետութիւններում: 300—400 տարի առաջ նա յայտնի էր արդէն Իսպանիայում և Իտալիայում: Անգլիայում առույտի մշակութիւնը սկսում է տարածել XVI դարից, որ վերջում շատ տարածեց և յայտնի եղաւ շնորհիւ Անգլիայի փափուկ և խոնաւ էլլիմային: Գերմանիայում առույտի մշակութեան տարածելը թէև կանգ առաւ, բայց XVIII դարից, Ֆրիդրիխ Մեծի պաշտպանութեան շնորհիւ նոյն գաղի 50-ական թւականներին, իսկ յետոյ Յովսէփ II շնորհիւ, մեծ յառաջագիւմութիւն արաւ, մա-

նաւանդ Գերմանիայի արևելեան գաւառներում: Ամերիկայում առույտը մշակում է արդէն 100 տարուց ոչ պակաս:

Հ Ո Ղ.

Առույտի համար ամենալաւ հողը պէտք է համարել կաւա-աւազախտոն, ընդհանրապէս, թարմ հողերը, խորը վարելաշերտով, որոնք պարունակում են իրենց մէջ կիր և թափանցելի են արմատների համար: Առույտը երկարատև չէ լինում այն հողերի վրայ, որոնք ունին վարելահողի ծանծաղ շերտ, եթէ որ ներքևում, հողի տակ նրա արմատները հանդիպում են կամ կոշտ կաւի, կամ քարաշերտի կամ ջրի: Եթէ հողը թափանցիկ է, առույտին երբէք չի վնասում նրա մէջ եղած մինչև անգամ նըշանաւոր քանակութեամբ մանր քարն ու խիճը: Երևանի նահանգի բոլոր լեռնահողերը, որոնք ծովի մակերևոյթից 5000 օտնաչանփից բարձր են գտնւում, աւելի կամ պակաս չափով պիտանի են առույտի մշակութեան համար, բացառութիւն են կազմում չափազանց չոր, գառիվայր, քարքարոտ սարալանջերը, յատկապէս հարաւային և ճահճուտ տեղերը ներքևում:

Հողի մշակութիւնը.

Առույտի համար հարկաւոր է անպատճառ հողի խորը մշակութիւն՝ գութանով: Առաջին վարը պէտք է ամառն անել, որ ոչնչացնւին գիժ խոտերը: Վարած հողը թողնւում է մինչև գարունը ինչպէս խամահան գետին: Վաղ գարնանը նա նորից է հերկում և խնամքով տափանւում է որպէսզի կարելիին չափ հերկի մակերևոյթը հաւասարւի և պատրաստուի ցանքի համար:

Յ ա ն ք.

Առույտը ցանուում է սուերատու բոյսերի հետ (հաճար, գարի, վարսակ, ցորեն): Յանքի տարին, առհասարակ ստացուում է սուերատու բոյսի բերքը, իսկ երկրորդ տարին՝ առույտի բերքը: Առաջին տարին առույտի ծլերը շատ թոյլ են լինում և տառապում են արեգակի անմիջական լուսաւորութիւնից, դրա համար էլ նրանց անհրաժեշտ է պաշտպանութիւն և ծածկելի, որ տալիս է սուերատու բոյսը:

Առույտի ցանքը պէտք է անել որքան կարելի է վաղ, որ սերմն ընկնի գարնան խոնաւութեան տակ: Նախ և առաջ պէտք է ցանել սուերատու բոյսը փոքր ինչ քիչ քանակութեամբ, քան թէ առհասարակ ընդունւած է այդ բոյսի համար, որպէսզի խոյս տրւի առույտի վրայ չափազանց թանձր սուեր արձակելուց, իսկ յետոյ երբ տափանելուց սերմերը բաւականաչափ ծածկւած կրկնեն հողով ձեռնարկել առույտի ցանելուն:

Իրա համար առույտի պահանջւած քանակութեամբ սերմը խնամքով խառնում են նոյն քանակութեամբ չոր աւազի հետ, եթէ ցանուում են առույտի խառնուրդներ (առույտը անգլիական որոմի, դաշտի Ֆլէտնի հետ և այլն), այն ժամանակ կարիք չըկայ աւազ խառնելու: Սերմերը ծածկւում են թեթև տափանով: Եթէ կարելի կրկնի՝ օգտաւետ է իսկոյն և եթ տափանել վարելահողը: Առույտի աշնանացանը պէտք է անել մօտաւորապէս օգոստոսի կէսին կամ վերջին, առհասարակ վաղ, այն հաշւով, որ ծիւերը երևին և փոքր ինչ ամրանան նախ քան ցրտերի սկսելը: Մէկ դեպքատինի վրայ պէտք է ցանել 1 փութ 20 ֆունտ առույտի սերմ: Պէտք է բերել տալ բոլորովին մաքուր սերմեր: Ռուսաստան

նում ամենալաւ սերմերը ստացուում են Պերմսկի նահանգից:

Հ աւ ա ք ե լ լ.

Լաւ հողերի վրայ և կլիմայական բարեյաջող պայմաններում, ինչպէս Անգլիայում, առույտը առաջին տարին էլ սուերատու բոյսի բերքից յետոյ հունձ է տալիս, երկրորդ տարին տալիս է երկու հունձ, հազիւ անգամ երեք: Միջակ հողերի վրայ առույտը տալիս է միայն մէկ լաւ հունձ 200—250 փութ, երկու հունձի ժամանակ ստացուում է 1 դեպքատինից չոր խոտ 350—400 փութ: Առույտը չի կարելի թողնել միլնոյն անդում 2—3 տարուց աւելի: Առույտի խոտի ամենազխաւոր անդարար մասերը նրա ծաղիկներն ու անրկներն են, որոնք չորացնելու և հաւաքելու ժամանակ հեշտ կերպով պոկուում են, դրա համար էլ այդ գործողութիւնները պէտք է զգուշութեամբ կատարել: Տեղական եղանակը կիսաչոր խոտի հաւաքելու՝ խուրձ կապելն է, որի կշիւր լինում է մի քանի ֆնտից մինչև կէս փութ, որպիսի խուրձերով նա օդի մէջ մնալով՝ վերջնականապէս չորանում է, այդ եղանակը պիտի համարել ամենամալատակաւարմարը: Խոտի հաւաքելու ժամանակ պէտք է համարել դաշտից ստացած խուրձերի թիւը, ամբողջ խոտի միջից ընտրել 20 խուրձ կշռել և որոշել մի խուրձի միջին կշիւրը, իսկ յետոյ բազմապատկելով մի խուրձի միջին կշիւրը բոլոր խուրձերի ընդհանուր թւի հետ՝ մօտաւորապէս որոշել ամբողջ բերքը: Այնտեղ, ուր խուրձեր չեն շինում, բերքի մօտաւոր քանակը որոշել սայլաբեռներով:

Առույտը կանաչ դրութեամբ, յատկապէս անասուններին միանգամից առատ խոտաբաժնի տուած

դէպքերում, կենդանիներին փորձուողց է պատճառում և ծակոցներ առաջացնում, մանաւանդ ձիաններին: Իսկ չոր խոտի ձևով դաշտախոտի խառնուրդով կամ մինչև անգամ դարմանի հետ առույտը կերակրելու համար ամենասնդարար բոյսերից մէկն է: Նորանից տաւարը արագ կերպով ուղղւում է, կովերը կաթը շատացնում են, որի ժամանակ մեծ քանակութեամբ իւղ պարունակող և առհասարակ լաւ յատկութեամբ կաթ է ստացւում:

Լեռնաշերտում առույտի համար պէտք է նըշանակել 2—3 տարի հանգիստ թողած վարելահողեր, որոնց վրայ ցանել առույտը հացի հետ միասին:

Քոյերի և փշերի փոխարէն, որ այժմ խոտի տեղ հաւաքում են այդպիսի անվար ու խամ թողած հողերից՝ զիւղացին կարող է առույտի ընտիր խոտի բերք ունենալ երեւի ոչ պակաս քան 200—250 փութ մէկ զեսետինից:

ԵՕՆՁԱ (ЛЮЦЕРНА).

Պատմական տեղեկութիւններ:

Եօնջան ամենահին արօտաբոյսերից մէկն է: Իտալիայում նրան զեռ մշակում էին 11 դարում Քրիստոսից առաջ: 400 տարուց աւելի Քրիստոսից առաջ, նա բերւեց Յունաստան, Իտալիայից նա տարւեց Փրանսիա: Գերմանիա բերւեց եօնջան XVII դարի երկրորդ կէսին: Մեզնում, Ռուսաստանում նա երևում է XIV դարի կէսից:

Եօնջի հայրենիքը համարւում է միջին Ասիան, ուր նրա վայրի տեսակները պատահում են մեծ քանակութեամբ: Բացի դրանից, նա պատահում է Սիբիրիայում, մեզնում—Պովկասում, Գերմանիայում, Ֆրանսիայում, Իսպանիայում և Շվէյցարիայում:

Ն ո Ղ Ս.

Եօնջայի, ինչպէս նաև կերի համար ծառայող բոլոր բակրայանման բոյսերի համար, հող ընտրելիս պէտք է առանձին ուշադրութիւն դարձնել հողի ստորին խաւի վրայ, որը պէտք է թափանցելի լինի նորա մէջ անցնող եօնջայի արմատների համար:

Եօնջայի համար ամենայարմարը պէտք է համարել կիր պարունակող աւազախառն կաւահողը:

Հողի մշակութիւնը և ցանքը:

Եօնջայի հող մշակելը ոչնչով չի տարբերւում առույտի համար մշակած հողի ձևից:

Ցանքը պէտք է կատարել չափազանց թանձր սաւեր չը աւուղ սաւերատու (գարնանացան ցորենի, գարու, վուշի, վարսակի) բոյսի հետ միասին: Առաջին տարւայ շատ թույլ ծիլերը սաւերի տակ չափազանց երկար ժամանակ չը պահելու համար գերուգասելի է սաւերատու բոյսի հնձելը՝ կանաչ (թարմ) կերի համար:

Երևանի նահանգում սաւերատու բոյսի տեղ ծառայում է գարնանացան ցորենը և գարին, որոնց թողնում են հասնեն և յետոյ հնձում են, որի ժամանակ այդ հանգամանքը ոչ մի փաստակար հետեւանք չի ունենում եօնջայի զարգացման համար, որ մեզնում, տափաստաններում ապիս է 3 հունձ և մօտ 500—600 փութ խոտ իւրաքանչիւր զեսետինից: Շատ ցանկալի կրլինէր մեզնում էլ փորձեր անել եօնջայի, առույտի և կուրինգանի շարքացանքը: Շարքացանքը ապահովում է սերմերի կորուստը՝ քամուց, ապահովնում է սերմերի լաւ թաղելը և տալիս է սերմերի մշտնապէս որ տնտեսութիւն:

Եօնջայի շագացանի մշակութիւնը, պրակով ցա-

29359-67



ներ) ժամանակ պահանջուով է մէկ դեսեատինի վրայ ցանել 1¹/₂-ց մինչև 2 փուլթ: Մեր փորձերի ժամանակ մէկ դեսեատինին յատկացուով է 1 փուլթ 20 ֆունտ:

Եօնջան պէտք է ցանել վաղ աշնանը և այն էլ միայն այն ժամանակ, երբ հողը մի փոքր կը չորանայ: Աշնանացանը կատարուով է օգոստոսի վերջին կամ սեպտեմբերի սկզբին: Այդ դէպքում եօնջան կարողանում է զարգացնել իր արմատը, արմատականուով է և հեշտ է դիմանում ցրտին և ամառային տաքին: Մերմերի թաղելը խոր չէ լինում, մօտ 1¹/₂ վերջուկ, ցախից շինած թեթև տափանի օգնութեամբ: Մերմերի տափանելը շատ օգտակար է, բայց այդ գործողութիւնը պէտք է կատարել չոր ժամանակ, երբ հողը մի փոքր կը չորանայ և կըլինի բաւականին փուխը:

Խնամքի տեսակէտից կարևոր նշանակութիւն ունի եօնջայի համար նրա տափանելը՝ աշնանը, վերջին ցանքի հաւաքելուց յետոյ, և մինչև անգամ զարնանը, երբ խոտը դեռ չի մեծացել: Միատեմատիքաբար տափանելու կարևորութիւնը ծագում է եօնջայի այն առանձնայատկութիւնից, որ նրա բողբոջներով ծածկւած արմատի պարանոցը, որից կախումն ունի թուփաւորութիւնը, իւրաքանչիւր տարի իջնում է միշտ ցած, ներքև ու ներքև՝ հողի մէջ: Պարանոցը ծածկող հողը դժւարացնում է բողբոջների զարգացումը և նոր ցողունների գոյանալը: Ուշադիր տափանելը ազատում է պարանոցը հողից և զօրեղացնում է թփաւորութիւնը, որի հետ նաև խոտի հունձը:

Հունձն ու հաւաքելը:

Լիովին յարմար հողերի վրայ, օրինակ Րիօնի տափաստանում, Քուլթայիսի նահանգում, եօնջան

տալիս է 4 և 5 հունձ, դեսեատինից 700 - 800 փուլթ խոտի բերքով:

Երևանի նահանգում առաջին հունձը հասնում է մայիսի վերջին օրերին կամ յունիսի սկզբներին: Այն ժամանակ պէտք է հնձել, երբ արդէն երևում են սկզբի ծաղիկները: Եօնջայի հաւաքելու ամենապատակաւոր մար եղանակը մեր պայմաններում պէտք է համարել տեղական միջոցը, խուրձերով հաւաքելը: Այդ եղանակով ամենաքիչ կորուստն է լինում եօնջայի ամենազլխաւոր և ամենասննդարար մասերի, այն է՝ ծաղիկների և չոր տերևների, որոնք հեշտ կերպով պոկւում են ամենափոքր հպումից:

Հաւաքելիս պէտք է համարել դաշտի որոշ տեղում հաւաքած խուրձերի թիւը, նրանից 20 հատը կշռել, որոշել մէկ խուրձի միջին կշիւր և բոլոր բերքի խուրձերի ընդհանուր թւի հետ բազմապատկելով որոշել, թէ ընդամենը քանի փուլթ է ստացւած:

Եօնջան շատ սննդարար կեր է: Նրանով տաւարը արագ կերպով ուղղւում է և գիրանում, կովերը շատացնում են կաթը, կաթի իւղային մասը աւելանում է: Սակայն կանաչ դրութեամբ նա պատճառում է որովայնի փքումն, գրա համար էլ որպէս կանաչ կեր՝ նրան պէտք է տալ զգոյշ և քիչ քիչ՝ չը թողնելով, որ կենդանիները մէկէն կշտանան:

ԿՈՒՐԻՆՊԱՆ (ՅՏՍԱՐՇԵՏՆ).

Պատմական տեղեկութիւններ:

Վայրի կուրիւզանը աշխարհի բոլոր կողմերում չի պատահում: Նա գտնւած չէ օրինակ Ամերիկայում, Իսպանիայում, Անգլիայում, Յունաստանում, Սարգիսիայում: Մեզնում՝ Կովկասում, նա պատահում է փոքր Կովկասի բոլոր լեռնաշերտի

վրայ, նոյնպէս և Գերմանիայում, Իտալիայում, Շւէյցարիայում, Հարաւային Ռուսաստանում և այլն:

Ուրիշ երկրներից վաղ կուրինգանը Ֆրանսիայումն էր յայտնի, յատկապէս Հարաւային Ֆրանսիայում, որտեղ նրա մշակութեան մասին կան տեղեկութիւններ դեռ XV-րդ դարից: Մշակւած կուրինգանը Մնացիայ է մտնում 16-րդ դարի վերջին և 17-րդի սկիզբին, ուր նա տարածւում է ընդարձակ կերպով: Գերմանիայում կուրինգանի մշակութեան տարածելը վերագրւում է 18-րդ դարի սկիզբին:

Հ ո ղ .

Կուրինգանը քիչ պահանջկոտ է հողի կողմից: Նա կարող է բուսնել ամեն տեսակ հողի վրայ, բացի մածուցիկ և ամուր կաւից, միայն թէ այդ հողը լինէր թեթև, ծակոտէն, թափանցկոտ նրա արմատների համար, որոնք անցնում են հողի ստորին խաւի խորքը մէկից մինչև 3 և աւելի սաժէն: Սակայն կուրինգանի հողը պէտք է պարունակի իր մէջ կիր: Նրա համար աւելի յարմար պէտք է համարել թափանցկոտ կաւա-աւազոտ և կիր պարունակող հողը, կարելին չափ դարձած դէպի հարաւ, հարաւարեւելք և հարաւ-արեւմուտք:

Մեր արած փորձերը կուրինգանի հետ Երևանի նահանգի լեռնոտ շերտերում, մանաւանդ Նոր-Բայազիտի գաւառում, շատ աւելի համողում են, թէ մեր լեռների չոր և ուժասպառ, անջրդի, քարքարոտ, խճոտ, հացարոյսերի մշակութեան համար երկրաբանական համարեա ոչինչ չբաւող հողը ընդունակ է արտադրելու աշխարհիս մէջ լաւագոյն կուրինգան, որի մշակութիւնը լեռներում խոստանում է նորոգել և ամրապնդել գիւղական տատանւած

անտեսութիւնը և բարձրացնել ազգաբնակութեան բարօրութիւնը:

Հ ո ղ ի մ շ ա կ ու թ իւ ն ւ .

Կուրինգանի հողի մշակութիւնը նոյնն է ինչ որ առույտինը և եօնջայինը: Կուրինգանը դեռ երկար ժամանակ չի կարող մտնել ցանքսափոխութեան մէջ նրա համար, որ նա աւելի երկար ժամանակ քան առույտը ու մինչև անգամ եօնջան ընդունակ է բռնել միևնոյն տեղը և տալ բոլորովին լաւ բերք: Յարմար և թափանցկոտ հողերի վրայ նա դիմանում է մինչև անգամ 15 տարուց աւելի: Իրա համար էլ աւելի յարմար է կուրինգանի համար յատկացնել առանձին հողաբաժիններ, անկիւններ կամ սեպերով շրջապատած հողամասեր:

Յ ա ն ք .

Կուրինգանը բաւականին դանդաղ է բուսնում, 2—3 շաբաթից ոչ փոք: Բացի դրանից, նրա սերմերը թէև բաւականին խոշոր են, բայց թեթև են և դժւար են ծածկւում հողի տակ: Մինչև անգամ ամենայն խնամքով տափաներուց յետոյ էլ, նրանց մի մասը, մօտաւորապէս $\frac{1}{3}$ մասը, մնում է հողի երեսին չը ծածկւած: Բուսներն արագացնելու, կշիռը մեծացնելու և սերմերը հողի մէջ թափանցելը հեշտացնելու համար, օգտաւէտ է, ցանքից առաջ թրջել նրանց ջրի մէջ մէկից մէկ ու կէս օր: Այնուհետև կարելի է ազատ օդի մէջ ցամաքրած սերմերը ցանել: Չորացնելը այն աստիճանին պէտք է հասցնել, մինչև որ նրանք չը կաշին իրար և պիտանի լինին ցրւելով—չաղ տալով ցանելու համար: Կարիք չըկայ սերմերը թրջելու, եթէ աշնանը,

իր ժամանակին, որքան կարելի է վաղ արւի ցանքը, քանի որ հողն ու օդը պահած են իրենց խոնաւութիւնը:

Մեր փորձնական ցանքի ժամանակ մենք երբէք սերմերը թրջելու կարիք չենք զգում:

Կուրինգանը կարելի է ցանել գարնանը եւ աշնանը: Աշնանացանը պէտք է անել օգոստոս ամսում, որ նա դեռ ցրտերը չեկած՝ կարողանայ ծլել և ամրապնդւել: Աշնանացանը կարելի է անել առանց սոււերատու բոյսի (ցորեն, գարի): Դեռ ամրան վերջին (օգոստոսին) ցանած կուրինգան, աւելի ճիշտ — նրա արմատը, կարողանում է օգոստոսի, սեպտեմբերի և հոկտեմբերի ընթացքում բաւականին խոր թափանցել հողի մէջ և արմատանալ, որի շնորհիւ էլ նա ազատ կարող է դիմանալ հետևեալ տարւայ ամրան շոգերին: Գարնանացանի ժամանակ, դրա հակառակ, կուրինգանի մատը չի կարողանում այն աստիճան զօրանալ, որ չրվասաւի արեգակի տաքութիւնից, դրա համար էլ կուրինգանը անպատճառ պէտք է ցանել սոււերատու բոյսի հետ, որի շւարքի տակ կուրինգանի սկզբի նուրբ ծլերը չեն վնասուում արեգակի ճառագայթների ազդեցութիւնից:

Իւրաքանչիւր գեսեսատինի վրայ կուրինգանը պէտք է ցանել մօտ 15 փութ, նկատի ունենալով նրա սերմերի տափանելու զփւարութիւնը և նրա հետևանք՝ այդ սերմերի ¹/₃-ի կորուստի անխուսափելիութիւնը: Յանելով մէկ գեսեսատինի վրայ 12 փութ կուրինգան, մենք խորհուրդ ենք տալիս սոււերատու ցորենի կամ գարու սերմը նրանից մի փոքր քիչ ցանել, այսինքն 8-ից մինչև 10, որպէսզի չափազանց չըսուերոտին կուրինգանի ծլերը: Կուրինգանի և սոււերատու բոյսի սերմերը կարելի է խառնել իրար և ի միասին ցանել, կարելի է և առան-

ձին — առաջ կուրինգանը, իսկ յետոյ սոււերատու ցորենը կամ գարին:

Յանքից յետոյ, վարելահողը խնամքով տափանում են, որ, որքան կարելի է, լաւ ծածկեն կուրինգանի սերմերը: Եթէ հողը շատ թաց չէ, պէտք է առանց յետաձգելու հարթել — տափանել ցանքը, իսկ հակառակ դէպքում, սպասել երբ վարելահողը մի փոքր կը չորանայ և այնուհետև հարթել — տափանել հողը: Հարթիչը սխմում է հատիկները նամ գետնին, որից նրանք աւելի շուտ են գուրս պրծնում և նրանց փոքրագոյն մասը մնալով գետնի երեսին՝ չորանում է կամ թռչունների կերակուր է դառնում:

Հունձն ու հաւաքելը.

Առաջին տարին (ցանքի տարին) քաղւում է սոււերատու հացի հունձը, երկրորդ տարին ստացւում է կուրինգանի առաջին հունձը: Կուրինգանի բերքի որքանութեան չափը որոշւում է սովորաբար ցանքի երրորդ տարուց յետոյ, երբոր նա հողի և կլիմայական բարեյաջող պայմանների ժամանակ տալիս է արդէն երկու և սակաւ անգամ երեք հունձ — քաղ: Երկու քաղին բերքը 1 գեսեսատինին տալիս է ոչ պակաս քան 300—400 փութ խոտ:

Մեր փորձնական ցանքերը, Նոր-Բայազիտի գաւառում ամեն անդ տին երրորդ ամսոր երկուսական քաղ՝ գեսեսատինին 400 փութ բերքով: Ամենաբարեյաջող պայմանների ժամանակ, կուրինգանը միևնոյն տեղում դիմանում է 15 և աւելի տարիներ, աւելի պակաս բարեյաջող պայմաններում՝ 8—10 տարի:

Եթէ կուրինգանը տալիս է մէկ բերք, նրան պէտք է հնձել իր լիակատար կերպով աճած — ծաղկած ժամանակ, եթէ նա տալիս է երկու կամ երեք

բերք, այն ժամանակ պէտք է հնձել ծաղկերուց
առաջ, երբ արդէն յայտնուում են ծածկող ճիթերը:

Կուրինգանի հաւաքելը ոչ մի դժւարութիւն չի
ներկայացնում: Նա չորանում է աւելի շուտ՝ քան
եօնջան և առույտը: Տեղական եղանակը, այն է՝
կիսաշոր խոտից խուրձեր կապելու և խուրձերով
չորացնելը բոլորովին նպատակայարմար է և կու-
րինգանի համար:

Կուրինգանը իբրև կանաչ կեր՝ չի փրացնում
կենդանիներին, իսկ կաթի յառկութիւնը զգալի չա-
փով լաւանում է: Առհասարակ նա համարւում է
ամենաառողջ կեր ինչպէս չոր՝ նոյն և կանաչ ձևով,
որ հաճութեամբ ուտում են կենդանիները առանց
մի վնասի:

Մեր յիշատակած փորձացանքերը դրականա-
պէս հաստատեցին, թէ կուրինգանը ծովի մակերեսոյթից
Տ.Ս. ուննաչափ քարձր՝ ջրելու կարիք չի գտւում: Հարա-
ւային բոլորովին անջրդի սարալանջերում, Ռնդա-
մալ, Բարաչիչակ, Մաքրափանք, Ախպարա, Ախտա,
Մուխոյ Փանտան և այլ գիւղերի սահմանում նա
ամառը տալիս է երկու քերք: Այդ խոտին վիճակւած է
մեծ դեր խաղալ ոչ միայն երեանի նահանգի լեռ-
նաշերտի, այլ և Անդրկովկասի բոլոր լեռնաքնակ
երկրագործ ազգաբնակիւթեան կեանքի մէջ: Նա կոչ-
ւած է կենդանացնելու մեր դատարկ սարալանջերը,
որոնք մինչև այսօր ոչինչ չեն տւել հացաբոյսերի
մշակութեան համար և աւելի շուտ ծառայել են
ինչպէս սակաւարժէք ամորային արօտատեղեր՝
քան իսկական մշակութեան արժանի հողեր:



Ս. ԱՐԻՍՏԵՆՈՎ:

	ApM.
	3-3124

6

✓

7754

2013

« Ազգային գրադարան



NL0060778

115-31242